

ELLEANTHUS LANCIFOLIUS. PRESL.

E. foliis lanceolatis acuminatis plicato-nervosis serrulatis, apice tridentatis, spica horizontali.

Hab. in Guayaquil. 4

Radices praecedentis, longiores tamen et crassiores ac minus intricatae. Scapus pedalis, anceps, inferne vaginatus, superne triphyllus. Folia erecto-patentia, firma, 4 pollices longa, vix 5 lineas lata, lanceolata, in acumen attenuata, apice tridentata, dente medio longiore, plicato-nervosa, margine serrulata. Vaginae tuberculato-scabrae. Spica terminalis horizontaliter reflexa, compressa, disticha, ovata, rhachi angulata et angulis acutis flexuosa. Bracteae ovato-lanceolatae, longe acuminatae, membranaceae, flores plus quam duplo superantes, infima fere sesquipollicaris, superiores decrescentes. Perianthium flavescens.